

華東師範大學圖書館藏

稀

見

叢

書

匯

刊

黃秀文 吳平◎主編

北京圖書館出版社



黃秀文 吳平◎主編

北京圖書館出版社

華東師範大學圖書館藏
稀見叢書匯刊

5

小引

魏子曰余過白門訪知名之士惟與治礫子稱
首焉與治往矣宛陵施大叅輯其遺詩紙貴金
間可爲身後知己礫子則遊京華歲且十稔偕
廬江龔宗伯善也人爭艷之曰是其知己也身
遇之跡與治爲尤隆余曰不然名者實之賓也
身有所由立道有所由昌而後名以副焉顧與
紀二公貞者也貞者十年不字宛陵慕其貞而
傳之廬江愛其貞而禮之其好均也亦必二公

有可慕可愛者存也其可愛可慕者何也曰道也道昌則身立身立則名貴其詩自不朽于天地間近代徐天池盧次櫟陳白雲皆得一人以不恨此物此志焉耳余采補石倉闕里孔觀察以槩子詩來復出宗伯八行敦切贊歎焉曰是槩子知己也身遇之也晤與治爲尤隆可也

百名家詩選

福清魏憲惟度輯選

秀水何元英蕤音山陽馬駿圖求

叅

華亭沈荃釋堂福清翁白未青

紀映鍾號槩子江寧人

學圃

我爲東湖樵子學南山園相逢大道傍雪涕問
勞苦我逢女貞樹再拜不敢斧子有東陵瓜屢
漬深秋雨生事尚飢寒吟詩坐蒿堵

城邊路

城邊路歌舞處十年變爲墓十年犁爲田十年
成淺渡

關山月

邊月何淒淒邊霜送馬啼無情沙磧水日夜下
遼西

陽春曲

曉聞鳥語喧啄碎簾鉤玉時光不相待坐起惟
忽忽塵生寶瑟紅絲寬春色年年在閒綠

寄塞上人

薊酒天下勁趙女天下白英雄雖失意割肉與
自得邊草色萎枯胡笳氣蕭瑟燕吊古戰場千
秋重現魄

和諸康樂

南風吹高鳥輕颿切浮雲洪波寢以颺衆山迢
遞分重嶺睇八荒結思徒煩殷風烟縱寥廓念
與子爲羣情言敦在昔離別悲長勤燁燁好顏
色抗手阻塵氛論心展悅豫傾抱鄙見聞不信

三五期渺若河山紛白駒靡返轡蘭苕墜朝隲
日莫山上松謖謖猶爲君

任心置丘壑群力競茲時畚鍤一何勤要與習
懶宜流泉靡輟響靈卉密中籬開軒俯南畝層
岫綿參差山翳滌亭午卓然見好姿鳴鳥鮮狎
至清風若相期睡起罷書帙徒步看前陂東臯
方作始農事無疇咨固違塵世轍葆此嘉遯奇
彥遠別我南歸

記昔乙酉歲斷髮出奔走城隅黃葉村安禪傍

枯柳潭風送蚤秋山雨暗牕牖
茶自相耦白雲停幽谷寒泉注
淺正臥坐無他言一卷嘗在口
問爲誰氏詩喃喃稱老手子謂
老手難古人寧幾有展帙覺異
色竟讀歎且久靜氣果不羣紛
華豈能誘鏗然聲律高定識精
神厚旣道姓名罷行藏更非苟
淡比松下禪堅類柏舟婦一家
河渚栖梅花帶左右入林恐不
密數峰當戶守內子亦苦吟研
山間井臼置君神仙中轉覺畫
圖醜此語今十年夢魂未曾負

聲聲千秋名淪落同敝帚投刺長安道錯愕辨
真否燒鐙韓子虛濁醪傾幾甌平生性命歡獨
此堪不朽長歌貽蹇修再歌示良友環堵生烟
霞真懷動星斗何意超古初祗不落人後春到
理歸鞍故人備糒糗却恨邢臺令敦我西山偶
離合固難期日歸母迴首湖上多桃花礪中羸
南畝莫帶長安塵輕點溪頭酒

慈仁寺訪彥遠用前韻紀事

二月風氣佳出門待新柳騎馬慈仁寺松光迎

馬首傍松入高門披帷見我友寒退土煙周
色在低牖主人半病眠應酬費心手提筆方
眉見我笑開口開口便說詩大致歸一厚薄
善七言歌行尤勁隄五言力固強多作慎莫荷
此語見至誠佩之如琳玖我愛與子言妙意入
醇酒仍勝夢天涯爲樂享敝帚汲泉累僮婢設
果探餅甌屋下春鳥鳴牆上松濤走家書取示
予絕不及升斗苦心懶自明摧挫棲塵垢我有
千竿竹別來翠應朽子有千株梅何人爲子守

我有一閣書野鼠蝕蝌蚪子有一片石雲根棄
培塿我有五嶽囊刈敝不在肘子有蒼精龍抑
塞不敢吼山川間良辰天地徒爲耦獨將向上
機相妨問中婦惆悵浮雲過瞠目立許久我子
事事同我生重重咎願移白下居就子河渚畝
來往見風流二老世外有揮涕忽歡然不覺日
當西更訂月明時招要固哉叟

叟韓薛也

寓三山雨中述懷

人日至春分日日雨不止朝曦澹林端陰雲已

凝竚初猶灑窓微漸作翻渠駛宿莽未萎黃
艸怒生爬北牕暗如漆飢鳥下啄紙羣兒樂
央志士悲年齒

雨中百端集繞廊忽行吟自我當暑來居諸春
已深桃花散林綺叢杜日抽簪遙想幽人間花
下鳴素琴贈我一端綺與我稱斷金泥塗白日
阻空睜南山岑

谷鳥鳴啾啾好山弄眉嫵流雲靜不飛懷人在
東武誰將嶺頭梅寄過瀟湘浦落月照蒼梧春

風徧蘅杜佳人涕難期愁多不堪數

烈士貴有身聖人亦無位冥鴻旣高飛
衰鳳猶一至曄曄千仞姿甲棲狎狂鷺
已知不可爲大義終難避慨然成春秋
不易匹夫志後世隆中人出師得其意

夫子手植檜

古檜真神物側起殿北隅彷彿龍門
桐百尺枝柯無細文自右旋千轉如
羅繡厥狀類槁隕膚理獨精腴榮悴
開興革曾不爽斯須竊聞子手

植純氣綿扶輿渺渺一微木運與造化俱易然
固常理天道貴如愚夫子亦何言四時任來由
願言勗我檜珍重報苑枯

荒村早行

村村趁集人曉行曉月自照繁霜網石橋壓水
水不動秋虫棲草啾啾鳴誰家蓐食不早起瓦
甌汲井聲齒齒風火猶光亂草檐前山日已半
峰紫寒風射眸如細霰北行竟自背日面却憶
南村就暝時迴首踈雲送孤雁

報國寺雙松歌

落落何朝十二松兩松怪誕難爲客求之骨貌
意已失尚想天外超忽雙雲峰白日當空集風
雨紫氣盤蓋藏芙蓉一目一看一奇特百步之
餘尤荒惑或言此松似石鼓冰苔蝕籀缺釵股
或言此松類神駿蘭筋決滅秋霄迅或言此松
其太古無懷氏之民邊幅裂盡存吾真僂僂錯
愕任笑嗔不知嵯巖與朝市類然放足三千春

補山堂歌爲芟菴老人作

茫茫楚澤黏天絳中有老人結茅屋淨洗腸胃
臨江流看盡虞淵又暘谷却訝門無一片山
瀾萬頃空潏潏挈舟欲採芳蘭去居山不見悲
潛潛會當割取熊耳峰頭千仞石嶙峋置在鴻
濛澤打鐘夜攪懶龍眠振衣直上摩霄碧爾梅
居士何人乎噓翁雲漢移蓬壺張目一掃巖壑
出峭冥截崑崙頃刻插在練光鑑靚之明湖造物
缺陷我不問誰能補山祇須更五日一石十日
水神速得如梅也無老人一見發長嘯渾然自